

Tras di Faro:

Team special combina cu Helicopter fuera sosten di militar den un buskeda masal

ORANJESTAD (AAN): Desde a bira conoci y a yega na oido di autoridad local cu Natalee Holloway a desaparece por a nota movencion masal di Polis combina cu Team special encabeza pa comisario Jan van der Straten cu a ricibi yudanza sosten di mando militar a inicia ayera cu un buskeda tras di Farro.

E pregunta cu a surgi pakico a inicia tras di Arashi y Farro y costa Arubano.

Segun fuentenan, cu e anochi marduga tabatin informe cu Natalee a aborda un vehiculo tea asina leu cu esaki por a worde describi lo ta trata di un Honda color shinishi den cual tin tres persona abordo.

Natalee a subi den e auto y aparentemente pa nan trip hunto, e ultimo no a keda confirma pero investigacion por determina esaki ya cu ta dificil pa haya informe concreto.

Mientras tanto segun indicacion... Natalee cu cu algun hoben a trip bay tras di Farro di California, na unda por tabatin freimento a tuma lugar. No ta conoci si e trio di hobennan a 'mishi' cu e mucha muher.

Pero nan ta bisa, cu despues a bahe na su hotel. Pero ora cu a bay revisa e videotape di security camera, famianan no a mira Natalee drenta Hotel.

Mientras tanto autoridad ta sigui busca informenan y ta laga averigua tur tip cu ta drenta. No ta vacila ya cu nomber di Aruba ta den wega

pa cu desaparicion di Natalee.

FOYETO DI KIDNAPPED

Pesey mes, voluntarionan a duna un man y den centro di ciudad a worde reparti foyeto riba cual tin imprimi potret di Natalee, y riba dje ta poni cu leter grandi: "Kidnapped". Nan no ta ni usa e palabra "Missing" mas.

Tin tiendanan a copera y a permiti pa pega e foyeto na nan vitrina. Posiblemente esaki a worde haci sea pa famia of conocirnan di Natalee cu ta preocupa di locual ta tumando lugar.

Den programa di señora Leoncita "90 bisami" di Diahuebs mainta, mama di Natalee a haci un yamada na su yiu muher si e ta scuche pa tan ten e no aparece e (mama) lo no regresa Merca sin dje. Pa hopi tabata un emocion pa scucha voz di un mama ta expresa esaki.

ESNAN CU A MIRA ALGO DI DJE

Tambe a yega na oido di mesa di redaccion cu den



principio di e siman aki a señala Natalee den compania di dos choller. Nan a drenta den un refresqueria na Playa y a compra algo. No ta conoci si gerente di e refresqueria, a duna tip na Polis di esaki, pero tin version cu mama di e mucha

muher perdi a combersa cu e gerente pa sa mas detaye.

Fuera na un High Rise hotel den oranan di anochi, Central di Polis a worde notifica pa medio di guardia di seguridad nan a wak un mucha muher parecido di Natalee ta cana banda di beach direccion zuid. Polis a bay tira un vista ya cu tur informe ta worde verifica pero ningun pista di e mucha muher no a worde localiza.

Polis a pasa na varios hotel pa notifica nan di e asistencia, hasta Controleur di Casino a worde poni altura pa copera door di tira vista.

Diahuebs atardi tambe durante e helicopter ta den accion, a worde notifica na esnan na tera cu nan lo regresa base pa revisa e motor, pero despues mas laat nan a continua cu nan asistencia. Pa basta ora e accion di buskeda a tuma lugar pero finalmente no tabata tin ningun resultado.

ORDEN DI ARESTO FOR DI "ARIBA"

Por ultimo, Halto Mando a ricibi informe for di Prome Ministro Nelson Oduber, kende ta sigui e acontecimiento di acerca relaciona cu e caso, pa laga detene e tres hobennan cu tabata e anochi ey den compania di Natalee pa saca delaster informe pa e caso

mira luz di dia.

Aki a trece un confusion cu a pone esnan encarga cu e caso combina cu Fiscal, Huez Comisario bay move tera y cielo pa pone man riba e sospechoso nan. Tin indicacion cu uno ta di nacionalidad Hulandes, y dos ta Surinameño.

Pero mester camina y cana e caminda legal pa no comete fayonan flagrante.

Dado momento, autoridad no a gusta cu algun emisora a manda informacion den aire cu e tres personanan aki a worde deteni caba. Hasta tin locutor a menciona cu cos mas serio a socede cu Natalee.

Tur esaki a worde desmenti despues door di autoridad.

Mas laat, a drenta informe cu a mira un 'bulto' ta drief riba laman banda di Westpunt. Autoridad a acudi eynan, pero a resulta cu no a haya nada.

Anochi, informe a drenta cu e mucha muher a worde mira ta core den un V-auto. Ora cu Polis a para e auto banda di un Highrise Hotel, a resulta cu e mucha muher tin parecido si, pero e ta un otro hende.

Awe den DIARIO, pueblo por haya hopi mas detaye di tur loke a socede ayera rond di e buskeda di Natalee.

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Ultra Compact

DVD Player

Afl. 79,95